

ASCANII TORRII
THEOLOGI

ROMANI
Impressum in Officina Typographica
B. Epile. Anim. Viceg.

Pro
LIBERTATE ECCLESIASTICA
AD GALLOFRANCVM
APOLOGIA.



ROMAE,

Apud Bartholomaeum Zannettum. M. D. CVII.

SVPERIORVM PERMISSV.

ASCANIUS TORRIUS GALLOFRANCO.



AMETSI tuam, Gallofrance, in Venetorum causa diligentiam singulari cum eruditione coniunctam, quod Ecclesiasticam libertatem oppugnet, probare omnino non possum, hactenus tamen laudo, quod non, ut plerique alij, pristinae, atque auitae religionis decreta, neque catholicorum dogmatum ipsa propemodum fundamenta compellis, & modestam defensionem, cum pia, & salutari adhortatione coniungis. Facis tu quidem, quod amicos, & (ut ipse loqueris) foederatos defendis, beneuole, quod disputationem tuam, non vulgari scientia, doctrinaq. confirmas, sapienter, quod ea, quae dicis ornata, & perpolita oratione explicas, diserte, quod neminem aculeato, nedum contumelioso dicendi genere perstringis, modeste. Quibus ego rebus, cum mirifice sum delectatus, tum incredibiliter dolui, te eius causae patrocinium suscepisse, quam Ecclesiastico iudicio, olim saepius damnatam, & nuper, à S.D.N. Paulo V. dira execratione iugulatam, nemo catholicus, saluo iure, non dicam tueri, sed non magnopere improbare potest. Itaque statui, meam tibi hac de re sententiam paucis, amiceq. indicare, vnaq. ad ea, quae tu aduersus Pontificiam cen-